



Broj: 16-12-16-7884-<sup>6</sup> /23  
Istočno Sarajevo, 17.10.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-7884/23 od 17.10.2023. godine, u postupku javne nabavke ski pasova za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **O D L U K U**

o izboru najpovoljnijeg ponuđača u postupku javne nabavke  
sezonskih ski pasova za potrebe Državne agencije za istrage i zaštitu

#### Član 1.

U postupku javne nabavke 15 komada ski pasova za sezonu 2023/2024 koji se mogu koristiti u periodu od ponedjeljak-petak (bez fotografije, sa amblemom Državne agencije za istrage i zaštitu) za izvođenja obuke policijskih službenika po timovima (grupama) za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-7884/23 od 17.10.2023. godine, dodijeljuje se ugovor ponuđaču Akcionarsko društvo Olimpijski centar „Jahorina” Pale, ponuda broj 16-12-16-7884-4/23 od 17.10.2023. godine za ponuđenu cijenu od 11.250,00 KM bez uračunatog PDV-a.

#### Član 2.

Ova odluka se dostavlja ponuđaču najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 3.

Za izvršenje ove odluke zadužuje se Sektor za materijalno-finansijske poslove Agencije.

#### Član 4.

Ova odluka stupa na snagu danom donošenja.

## O b r a z l o ž e n j e

Odlukom direktora Agencije broj 16-12-16-7884-1/23 od 04.10.2023. godine pokrenut je postupak javne nabavke 15 komada ski pasova za sezonu 2023/2024 koji se mogu koristiti u periodu od ponedjeljak-petak (bez fotografije, sa amblemom Agencije) za izvođenja obuke policijskih službenika po timovima (grupama), a za potrebe Agencije, u procijenjenoj vrijednosti 11.250,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-2-216-3-58/23 od 06.10.2023. godine i u („Službenom glasniku BiH”, broj 71/23) od 13.10.2023. godine. Novčana sredstva za predmetnu nabavku su obezbijedena u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH”, broj 22/23).

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 17.10.2023. godine do 13:00 sati, te da se ponude dostavljaju u zatvorenoj koverti, Komisija je dana 17.10.2023. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristigla jedna ponuda na Pisarnicu Agencije.

Na javnom otvaranju ponuda prisustvovala je predstavnica ponuđača Akcionarsko društvo Olimpijski centar „Jahorina” Pale, Nastasija Kovač a na osnovu Ovlaštenja broj 6142-OC/23 od 16.10.2023. godine.

Blagovremeno je dostavljena jedna ponuda i to:

R. br.	Broj protokola	Naziv ponuđača	Datum i sat prijema ponuda
1.	16-12-16-7884-4/23	Akcionarsko društvo Olimpijski centar „Jahorina” Pale	17.10.2023. godine u 12:30 h

R.br.	Naziv ponuđača	Ponuđena cijena u KM (bez PDV-a)
1.	Akcionarsko društvo Olimpijski centar „Jahorina” Pale	12.500,00 (popust 10%) 11.250,00

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđač Akcionarsko društvo Olimpijski centar „Jahorina” Pale ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da ponuđač ispunjava i formalno-pravne uslove postavljene u Konkurentskom zahtjevu.

Konkurentskim zahtjevom za postupak javne nabavke ski pasova za potrebe Agencije tačkom 8. (8.2.) predviđeno je provođenje e-aukcije. Imajući u vidu da je zaprimljena jedna ponuda, e-aukcija nije provedena, u skladu sa članom 3. stav (3) Pravilnika.

Nakon pregledanja dokumentacije priložene uz dostavljenu ponudu, Komisija je u skladu sa članom 65. stav (1) i (2) ZJN ocijenila ponudu kvalifikovanog ponuđača, primjenjujući kriterij najniže cijene iz tačke 8. (8.1.) Konkurentskog zahtjeva, te je sačinila listu ocijenjene ponude, kako slijedi:

R. br.	Naziv ponuđača	Vrijednost ponude u KM(bez PDV-a)
1.	Akcionarsko društvo Olimpijski centar „Jahorina” Pale	12.500,00 (popust 10%) 11.250,00

Nakon provedenog postupka ocjenjivanja dostavljene ponude, Komisija je utvrdila da je ponuda ponuđača Akcionarsko društvo Olimpijski centar „Jahorina” Pale ocijenjena kao najpovoljnija, da ista ne premašuje procijenjenu vrijednost nabavke iz tačke I Odluke o pokretanju postupka javne nabavke ski pasova za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se ugovor dodijeli ponuđaču Akcionarsko društvo Olimpijski centar „Jahorina” Pale, kako je navedeno u članu 1. ove odluke.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Agencije. Na izjavljenu žalbu ponuđač je obavezan platiti naknadu u skladu sa članom 108. ZJN.

DOSTAVLJENO:

- Ponuđaču;
- Sektoru za mat.-fin. poslove;
- a/a.



**DIREKTOR**  
**GLAVNI GENERALNI INSPEKTOR POLICIJE**

Darko Culum